



Qeveria e Republikës së Maqedonisë

Agjencia për Mbështetje Financiare në Bujqësi dhe Zhvillim Rural

Në bazë të nenit 9, paragrafi 1, pika b e Ligjit për ratifikimin e Marrëveshjes ndërmjet Qeverisë së Republikës së Maqedonisë dhe Komisionit të Komuniteteve Evropiane për rregullat e bashkëpunimit në drejtim të ndihmës financiare nga KE për Republikën e Maqedonisë dhe zbatimin e ndihmës sipas Komponentës V (IPARD) nga instrumenti i ndihmës për para-anëtarësim ("Gazeta Zyrtare e Republikës së Maqedonisë" nr. 38/2016), në bazë të Pjesës II masa Investime në mjete materiale për përpunimin e produkteve bujqësore dhe të peshkut pika 11 nga Programi për shfrytëzimin e mjeteve nga Instrumenti i ndihmës së para-anëtarësimit për zhvillim rural të Bashkimit Evropian (IPARD) për periudhën 2014-2020 ("Gazeta zyrtare e Republikës së Maqedonisë " nr. 177/2016), dhe në bazë të nenit 6 të Rregullores për mënyrën dhe procedurën për shfrytëzimin e mbështetjes financiare për masat për zhvillim rural të financuar nga Programi IPARD 2014-2020 ("Gazeta Zyrtare e Republikës së Maqedonisë" nr. 64/2016)

Agjencia për Mbështetje Financiare në Bujqësi dhe Zhvillim Rural

më 30 nëntor 2018, shpall

THIRRJE PUBLIKE Nr. 01/2018

për dorëzimin e aplikacioneve për shfrytëzimin e mjeteve nga

Programi IPARD 2014-2020

PJESA I

1. Agjencia për mbështetje financiare në bujqësi dhe zhvillim rural (në tekstin e mëposhtëm: Agjencia) si institucion kompetent dhe një organ kontraktues për zbatimin e Instrumentit për ndihmë para-anëtarësimit për zhvillim rural të BE (IPARD) fton të gjithë personat juridik të interesuar nga Republika e Maqedonisë të dorëzojnë aplikacioni për shfrytëzimin e mjeteve nga Programi IPARD 2014-2020 për masën e mëposhtme:

1. Investime në mjete materiale për përpunim dhe marketing të produkteve bujqësore dhe të peshkut

2. Mbështetja financiare për këtë Thirrje publike është e përbërë nga 75% mjete të siguruara nga Instrumenti për ndihmë para-anëtarësimin për zhvillim rural të Bashkimit Evropian (IPARD) sipas Marrëveshjes Financiare 2014-2020 dhe 25% mjete të siguruara nga Buxheti i Republikës së Maqedonisë.

3. Mjete financiare për aplikacion individuale jepen si mbështetje financiare e pakthyeshme (grant) në vlerë prej:

- 3.1. 50% e vlerës së totalit të harxhimeve të pranueshme të investimeve për masën Investime në mjete materiale për përpunim dhe marketing të produkteve bujqësore dhe të peshkut.

4. Afati i fundit për dorëzimin e aplikacioneve është 14 janari 2019

5. Mbështetja totale financiare në suaza të kësaj thirrje publike është 13.178.668,00 euro ose 810.422.183,74 denarë.

6. Marrja e formularëve dhe udhëzimeve:

Formularët e nevojshëm nga "Aplikacioni për shfrytëzimin e mjeteve nga Programi IPARD 2014-2020" si dhe "Udhëzimi për shfrytëzuesit e mjeteve nga Programi IPARD 2014-2020" për çdo masë veç e veç që përmban të gjitha informatat mbi kriteret, kushtet për pranim të projekteve dhe kushtet e financimit dhe informacione të tjera të nevojshme për përgatitjen e një kërkesë për shfrytëzimin e mjeteve nga Programi IPARD 2014-2020, Udhëzim për përgatitjen e një Biznes plani, Udhëzime për dhënien e dokumentacionit të nevojshëm nga institucionet përkatëse dhe informacione të tjera të dobishme në formë elektronike mund të shkarkohen nga veb adresa e Agjencisë: www.ipardpa.gov.mk.

7. Metoda e dorëzimit të aplikacionit:

Aplikanti duhet të plotësojë dhe të dorëzojë një Aplikacion për shfrytëzimin e mjeteve nga Programi IPARD 2014-2020 për një masë individuale, Biznes Plan të përgatitur në përputhje me Udhëzimin për përgatitjen e një Biznes plani dhe dokumentacionin shoqëruar siç specifikohet në këtë Thirrje Publike.

Aplikacioni i plotësuar për shfrytëzimin e mjeteve nga Programi IPARD 2014-2020 së bashku me biznes planin dhe të gjithë dokumentacionin e nevojshëm dorëzohen në një zarf të mbyllur me shënim në pjesën e përparme të zarfit në këndin e majtë të sipërm "MOS E HAP" për Thirrje publike IPARD Nr. 01/2018 dhe shënimin e masës për të cilën dorëzohet aplikacioni. Aplikacioni mund të dorëzohet me postë si dërgesë e rekomanduar ose personalisht në arkivin e Agjencisë.

Shënim: Për shkak të kryerjes së kontrollit në terren nga Agjencia, aplikanti duhet me vete të ketë kopjet nga dokumentacioni i tërësishëm i dorëzuar në Agjenci.

Informata më të hollësishme në kontakt tel. (02) 3097-460 ose kontakt në e-mail adresë: ipardpa.info@ipardpa.gov.mk dhe në faqen e internetit: www.ipardpa.gov.mk.

PJESA II

INVESTIME NË MJETE MATERIALE PËR PËRPUNIM DHE MARKETING TË PRODUKTEVE BUJQËSORE DHE TË PESHKUT

1. Sektorët e pranueshëm

- Qumësht dhe produkte qumështi;
- Mish dhe produkte mishi (përfshirë vezë dhe shpezë);
- Pemë dhe perime (përfshirë patate, kerpudha dhe kultura leguminoze);
- Drithëra, produkte të mullirit dhe nisheste;
- Produkte bimore dhe vajra, dhe yndyrëra nga kafshët;
- Shirë, verë dhe uthull
- Prodhim i energjisë përmes reparteve për përpunimin e produkteve të kafshëve nga biomasa primare dhe sekondare, me përjashtim të biomasës nga produktet e peshkut.

2. Përdorues

- Persona juridik që janë regjistruar në Regjistrin qendror si persona juridik sipas Ligjit për shoqata tregtare, dhe të cilat punësojnë më pak se 250 persona dhe të cilat kanë qarkullim vjetor që nuk tejkalon 50 milion euro dhe/ose bilanc vjetor të gjendjes që nuk tejkalon 43 milion euro që i përgjigjet definicionit të tanishëm për ndërmarrje të vogla dhe të mesme (NVM) që është e përfshirë në rekomandimin e Komisionit 2003/361/E3.
- Ndërmarrjet që nuk janë përfshirë me definicionin për NVM, por që punësojnë më pak se 750 të punësuar dhe kanë qarkullim vjetor që nuk tejkalon 200 milion euro,

gjithashtu mund të jenë të pranueshme, por në këtë rast mbështetja mund të jepet për investime të destinuara për ta bërë tërë ndërmarrjen në përputhje me standardet relevante të BE-së. Vlerësimi i madhësisë së përdoruesve bëhet nga ana e Agjencisë.

- Kooperativa të regjistruara në Regjistrin Qendror në pajtim me Ligjin për kooperativa dhe kryesisht që merren me veprimtari bujqësore, përpunim të produkteve bujqësore dhe / ose shërbime të lidhura drejtpërdrejt me aktivitete bujqësore.
- Personat juridik të ranguar si mikro ndërmarrje nuk janë të pranueshme për mbështetje në suaza të kësaj mase.
- Ndërmarrjet e sapo formuara do të vlerësohen në bazë të madhësisë së pritur siç është shënuar në biznes planin.
- Të dhënat e kërkuara në bazë të së cilës mund të vërtetohet madhësia e subjektit juridik, merren nga dokumenti "SHQYRTIMI I TË DHËNAVE NGA LLOGARIA VJETORE PËR VITIN E MËPARSHËM" të dhënë nga Regjistri Qendror i Republikës së Maqedonisë. Dokument i vlefshëm përmes të cilit mund të përcaktohet madhësia e subjektit juridik për thirrjen e duhur është ai që ka të bëjë me vitin e kaluar kalendarik dhe, nëse është relevante, numri i përgjithshëm i aksioneve () në bazë të vërtetimit nga Depozitori për letra me vlerë.

3. Kriteret e pranimit

- Aplikanti duhet të dorëzojë "Aplikacion për shfrytëzimin e mjeteve nga IPARD II "të shoqëruar nga të gjitha dokumentet e nevojshme.
- Aplikanti duhet të jetë i regjistruar në Regjistrin Qendror si person juridik ose kooperativë bujqësore
- Aplikantët e kooperativave bujqësore duhet të jenë të regjistruar në Regjistrin e kooperativave bujqësore të Ministrisë së Bujqësisë, Pylltarisë dhe Ekonomisë së Ujërave
- Të gjithë përdoruesit duhet të jenë të regjistruar në Agjencinë e Ushqimit dhe Veterinerisë si operatorë ushqimor ose të evidentohen për shkak të ndryshimeve të shkaktuara nga investimet në fjalë në përputhje me Ligjin e Sigurisë Ushqimore në fund të investimit.

- Investimet duhet të realizohen në prone që është në pronësi të aplikantit. Në rastin e projekteve investuese që realizohen në pronë që nuk është në pronësi të aplikantit, duhet të dorëzohet një kontratë apo dokument tjetër shoqërues për të dëshmuar të drejtën e shfrytëzimit të pronës të përfshirë nga investimi për një periudhë prej së paku 7 vjet nga data e aplikimit për mbështetje.
- Aplikanti i mbështetjes financiare duhet të jetë i regjistruar në sistemin kombëtar për TVSh në përputhje me Ligjin për Tatimin mbi Vlerën e Shtuar.
- Para se të dorëzohet aplikacioni për pagesë, të paktën një person përgjegjës i personit juridik që përfaqëson ndërmarrjen duhet të ketë punësim të rregullt të subjekti juridik ose të jetë i angazhuar me kontratë për një periudhë jo më të shkurtër se kohëzgjatja e kontratës për dhënie të mbështetjes financiare në suaza të këtij Programi.
- Përdoruesi është i detyruar të përmbush standardet përkatëse të BE-së lidhur me realizimin e investimit para se të dorëzojë aplikacionin për pagesë.
- Aplikanti që propozon investime në sektorin e verës duhet të jetë i regjistruar në regjistrin e prodhuesve të verës që ndodhet në Ministrinë e Bujqësisë, Pylltarisë dhe Ekonomisë së Ujërave para se të dorëzojë aplikacionin për pagesë.
- Aplikanti që propozon investim në qendër për blerjen dhe shpërndarjen e perimeve dhe pemëve, drithërave dhe qumështit duhet të jetë i regjistruar në regjistrin e blerësve që mbahet në Ministrinë e Bujqësisë, Pylltarisë dhe Ekonomisë së Ujërave para dorëzimit të aplikacionit për pagesë.
- Ndihma mund t'u jepet përdoruesve, projektet investuese të të cilëve mundësojnë qëndrueshmëri financiare / ekonomike. Qëndrueshmëria ekonomike dhe financiare do të vlerësohet në bazë të një biznes plani. Aplikanti duhet të demonstrojë mundësinë e vazhdimësisë së punës për të paktën pesë vjet nga realizimi i investimit. Projekti investues do të vlerësohet në bazë të treguesve të mëposhtëm ekonomik:
 - Normë e brendshme e modifikuar e rentabilitetit që duhet të jetë më e madhe se 0,
 - Neto vlera aktuale që duhet të jetë më e madhe se 0, dhe
 - Periudha e kthimit të investimit që duhet të jetë më pak se 10 vjet

4. Sasia e financimit

Mbështetja totale financiare (75% fonde të BE-së + 25% bashkëfinancim kombëtar) nuk do ta tejkalojë kufirin e sipërm prej **50% të harxhimeve të pranueshme totale të investimeve.**

Mbështetja financiare për masën Investime në mjete materiale për përpunim dhe marketing të produkteve bujqësore dhe të peshkut mund të rritet për 10% për:

- Investime në ndërtesa / pajisje, qëllimi i të cilave është përmirësimi i efikasitetit energjetik (p.sh. shfrytëzimi i materialit ndërtimor që redukton humbjen e nxehtësisë);
- Investime për ndërtesa / pajisje për prodhimin e bio-energjisë në rastin e përpunimit të produkteve (lëndëve të para) që është përfshirë në Aneksin 1 të Marrëveshjes me BE (përpunimi i biomasës primare dhe sekondare të kafshëve dhe bimëve);
- Investimet për ndërtesa / pajisje për prodhimin e energjisë nga burime të tjera të energjisë që ripërtërihen për të prodhuar sasi të barabarta me nevojat e tyre për energji elektrike për ndërmarrjet e përpunimit;
- Investime për ndërtesa / pajisje për trajtimin e ujit / ujërave të zeza.

Për të fituar mbështetje në suaza të kësaj mase, harxhimet e përgjithshme të pranueshme për projektin investues të propozuar të investimit duhet të arrijnë së paku 10.000 euro në kundërvlerë denarë.

Vlera më e lartë e harxhimeve të përgjithshme të pranueshme për përdorues për të gjithë periudhën e zbatimit të këtij programi është 4.500.000 euro në kundërvlerë denarë.

5. Lista e dokumenteve të nevojshme

Dokumentet e mëposhtme që dorëzohen bashkë me aplikacionin për shfrytëzimin e mjeteve nga Programi IPARD (2014- 2020) duhet të jetë origjinale ose një kopje e vërtetuar nga noteri, nëse nuk është përcaktuar ndryshe nga vetë dokumenti. Nëse dokumentacioni është në një gjuhë tjetër, i njëjti duhet të shoqërohet me një përkthim në gjuhën maqedonase të vërtetuar nga një përkthyes i autorizuar. Dokumentet që jepen në bazë të regjistrave publik apo një sistem i themeluar, nuk duhet të jetë më të vjetra se tre muaj nga data e thirrjes publike, me përjashtim të dokumenteve që e konfirmojnë përmbushjen e detyrimeve për taksat dhe kontributet e paguara që nuk duhet të jenë më të vjetra se një muaj që llogaritet nga data e shpalljes së thirrjes publike.

1. APLIKACION PËR MASËN INVESTIME NË MJETE THEMELORE PËR PËRPUNIM DHE MARKETING TË PRODUKTEVE BUJQËSORE DHE TË PESHKUT

2. DËSHMI SE APLIKANTI ËSHTË REGJISTRUAR NË SISTEMIN E TVSH-së

3. ÇERTIFIKATË PËR TATIME DHE KONTRIBUTE TË PAGUARA

4. KOPJE E LETRËS SË NJOFTIMIT OSE PASAPORTËS

5. DËSHMI QË APLIKANTI NUK ËSHTË NË PROCEDURË FALIMENTIMI

6. DËSHMI QË APLIKANTI NUK ËSHTË NË PROCEDURË LIKUIDIMI

7. DËSHMI SE NUK ËSHTË SHQIPTUAR SANKSION I SHKELJES NDALESË PËR USHTRIMIN E PROFESIONIT, VEPRIMTARISË OSE OBLIGIMEVE DHE NDALESË E PËRKOESHME PËR PUNËN E VEPRIMTARISË SË CAKTUAR

8. DOKUMENTA PËR PRONËSI DHE/OSE TË DREJTË PËR SHFRYTËZIMIN E TOKËS/OBJEKTIT QË JANË OBJEKT I INVESTIMIT

1. FLETË PRONËSIE PËR OBJEKTIN DHE/OSE TOKËN

2. KONTRATË PËR QIRAMARRJE PËR OBJEKTIN DHE/OSE TOKËN

3. KONTRATË PËR KONCESION TË TOKËS

Marrëveshja është e vlefshme së paku 7 vjet llogaritur nga dita dorëzimit të aplikacionit për mbështetje financiare në rast të blerjes së mekanizimit / pajisjeve;

9. DËSHMI PËR PAGESË TË RREGULLT TË DETYRIMEVE NË BAZË TË MARRËVESHJES PËR KREDI (Dokumenti dorëzohet vetëm atëherë kur Banka ka vendosur garanci në pronën që është objekt i investimit).

10. LEJE NDËRTIMI OSE DEKLARATË NGA APLIKANTI SE LEJA RELEVANTE DO TË DORËZOHET DERI NË LIDHJEN E MARRËVESHJES (Deklarata dorëzohet në rast se Aplikanti nuk ka mundësi ta marrë lejen deri në datën e dorëzimit të aplikacionit për shfrytëzimin e mjeteve).

OSE DEKLARATË NGA INSTITUCIONI KOMPETENT QË PËR INVESTIMIN E PROPOZUAR LEJA NUK ËSHTË E NEVOJSHME.

11. KOPJE TË VIZATIMEVE TEKNIKE THEMELORE DHE LLOGARITJE REFERUESE E RISHIKUAR NGA DOKUMENTACIONIT TEKNIK (OSE FORMË ELEKTRONIKE - CD) (dokumentacioni i projektit që dorëzohet në Agjencinë për mbështetje financiare në zhvillimin bujqësor dhe rural duhet të përputhet plotësisht me dokumentacionin e projektit (numri teknik) që dorëzohet / do të dorëzohet deri te organi kompetent si pjesë e kërkesës për marrjen e lejes për ndërtim).

(Dokumenti duhet të vërtetohet nga persona të autorizuar për përgatitjen e dokumentacionit teknik dhe auditorët)

12. SITUATA/GJENDJA E PËRKOHSHME PËR TË GJITHA NDËRTIMET E PËRFUNDUARA (Situata/gjendja e përkohëshme dorëzohet në rast kur aplikanti ka ndërtuar një pjesë të objektit që është objekt i investimit, gjegjësisht punët e kryera të ndërtimit duhet të jenë në përputhje me dokumentacionin teknik të fundit të aprovuar).

13. VENDIM PËR NDRYSHIMIN E INVESTITORIT OSE DEKLARATË NGA APLIKANTI SE VENDIMI PËRKATËS DO TË DORËZOHET JO MË VONË NGA DATA E MIRATIMIT TË NJË VENDIMI NGA AMFBZHR

14. BIZNES PLAN

15. OFERTA PËR PUNËT / PAJISJET E NDËRTIMIT

- a) **OFERTA SHITESË PËR ÇDO ARTIKULL / GRUP ARTIKUJSH, NË VLERË JO MË PAK SE 10.000 EURO NË KUNDËRVLERË DENARË**
- b) **TRI OFERTA NGA FURNIZUES TË NDRYSHËM, ARTIKULL / GRUP ARTIKUJSH NË VLERË JO MË TË MADHE SE 10.000 EURO NË KUNDËRVLERË DENARË**
- c) **DEKLARATË NGA FURNIZUESI/T PËR VENDIN E ORIGJINËS**

Deklarata është një dokument i detyrueshëm nëse oferta është me vlerë mbi 100.000 euro.

(Deklarata është një dokument i domosdoshëm në rast se në ofertë nuk ka të dhëna për vendin e origjinës dhe prodhuesin e makinerisë / pajisjeve).

16. DËSHMI PËR STRUKTURËN PRONËSORE PËR TË GJITHË FURNIZUESIT E HUAJ

17. LIBËR AKSIONAR NË FORMË ELEKTRONIKE - CD / LETËR DHE / OSE LETËR PËRCJELLËSE (Dokumentet e mësipërme janë të domosdoshme në rast kur furnizuesi është një shoqëri aksionare).

18. DEKLARATË NGA APLIKANTI PËR SHPJEGIMIN E ARSYEVE PËR ZGJEDHJEN E OFERTËS KONKRETE (Dokumenti është i domosdoshëm kur prokurimi është me vlerë më të madhe se 10.000 euro në kundërvlerë denarë për artikull / grup artikujsh, nëse mallrat / shërbimet e zgjedhura nuk kanë vlerën më të ulët).

19. OFERTË / FATURË / KONTRATË PËR SHPENZIME TË PËRGJITHSHME (për furnizime me vlerë mbi 10.000 euro në kundërvlerë denarë të nevojshme për të dorëzuar 3 oferta për çdo artikull)

(SHPENZIME TË PËRGJITHSHME PRANOHEN NËSE TË NJËJTAT JANË BËRË PAS 01.01.2014)

20. VENDIM PËR ELABORAT TË MIRATUAR PËR MBROJTJEN E MJEDISIT JETËSOR OSE VENDIM ELABORAT TË MIRATUAR PËR MBROJTJEN E MJEDISIT ME PLAN AKSIONAR TË MIRATUAR OSE LEJE E INTEGRUAR EKOLOGJIKE A OSE B, OSE APLIKACION I MIRATUAR PËR MARRJEN E LEJES SË INTEGRUAR EKOLOGJIKE A OSE B, OSE APLIKACION PËR MARRJEN E VENDIMIT PËR ELABORAT TË MIRATUAR PËR MBROJTJEN E MJEDISIT JETËSOR

Agjencia ruan të drejtën të kërkojë dokumentacion shtesë për të dëshmuar përmbushjen e kritereve të Programit IPARD për shfrytëzimin e mbështetjes financiare.

PJESA III

PROCEDURA PARA AGJENCISË

Procedura e Agjencisë nga pranimi i Aplikacioneve deri në lidhjen e Kontratës për shfrytëzimin e mjeteve përbëhet nga:

1. Kontrollimi i kompletimit të dokumenteve të dorëzuara në përputhje me dokumentet e kërkuara për masat dhe llojet e investimeve, si më poshtë:

- A janë dhënë dokumente nga institucionet e duhura;
- A posedojnë dokumentet të gjitha elementet me të cilat vërtetohet se janë të besueshme (vulë, nënshkrim të personit përgjegjës, datë, etj)
- Nëse dokumentet janë të vlefshme për periudhën e specifikuar në *Listën e Dokumenteve*;

Aplikanti duhet të bëjë plotësim të aplikacioneve të pakompletuara për shfrytëzimin e mjeteve në bazë të njoftimit me shkrim të marrë nga Agjencia. Afati për plotësimin e aplikacioneve të pakompletuara është 8 ditë nga data e pranimit të njoftimit.

2. Kontrolli i përshtatshmërisë së aplikacionit për shfrytëzimin e mjeteve bëhet me qëllim që të vërtetohet:

- Nëse dokumentet e dorëzuara dëshmojnë plotësimin e kritereve dhe kushteve për pranueshmërinë e aktiviteteve të propozuara të investimit;

- Nëse investimi i propozuar është ekonomikisht dhe financiarisht i realizueshëm dhe i qëndrueshëm, e cilat mund të kontrollohet duke analizuar parametrat e përmbajtura në biznes planin e bashkangjitur
- Nëse investimi i propozuar për të cilin kërkohet mbështetje financiare nuk është financuar nga burime të tjera publike (Buxheti i Republikës së Maqedonisë dhe donatorët ndërkombëtarë);
- A janë çmimet e aktiviteteve të propozuara të investimit në suaza të çmimeve të tregut duke analizuar çmimet referente për aktivitetet përkatëse.

Ndihmë mund t'u jepet shfrytëzuesve, projektet investuese të të cilëve mundësojnë qëndrueshmëri financiare / ekonomike. Qëndrueshmëria ekonomike dhe financiare do të vlerësohet në bazë të një biznes plani. Aplikanti me biznes planin duhet ta tregojë mundësinë e vazhdimësisë së punës për të paktën pesë vjet nga realizimi i investimit. Projekti investues do të vlerësohet në bazë të treguesve të mëposhtëm ekonomik:

- Normë e brendshme e modifikuar e rentabilitetit që duhet të jetë më e madhe se 0,
- Neto vlera aktuale që duhet të jetë më e madhe se 0, dhe
- Periudha e kthimit të investimit që duhet të jetë më pak se 10 vjet

Me qëllim të përcaktimit të origjinalitetit të parametrave teknik, të të dhënave ekonomike dhe financiare, Agjencia ka të drejtë të kërkojë dokumente dhe informata shtesë si bazë për marrjen e vendimit.

Verifikimi i besueshmërisë të të dhënave të përmbajtura në Aplikacionin për shfrytëzimin e mjeteve kryhet nga persona të autorizuar të Agjencisë me kontroll në vendngjarje.

Rangimi bëhet për të gjitha aplikacionet e plota dhe të përshtatshme për shfrytëzimin e mjeteve sipas tabelave të bashkangjitura të rangimit sipas masave të caktuara.

Mbështetja financiare do të miratohet për të gjitha aplikacionet e plota dhe të përshtatshme për shfrytëzimin e mjeteve në suaza të mjeteve në dispozicion në bazë të kontrolleve të kryera administrative dhe kontrollit në vendngjarje.

Aplikacionet jo të plota, të papërshtatshme si dhe aplikacionet për shfrytëzimin e mjeteve që kanë një numër më të vogël pikësh në raport me mjetet në dispozicion për një masë, do të refuzohen me Vendim.

Me aplikuesin, të cilit i miratohet aplikacioni për shfrytëzimin e mjeteve, nënshkruhet një Kontratë brenda 30 ditëve nga dita e pranimit të Vendimit për miratimin e mjeteve nga Programi IPARD 2014-2020.

Aplikantët nuk mund të fillojnë me zbatimin e investimit para nënshkrimit të Marrëveshjes për ndarjen e mjeteve me Agjencinë, me përjashtim të aktiviteteve të lidhura me shpenzimet e përgjithshme (përgatitjen e biznes planit, projekt propozimit teknik, studimin e fizibilitetit, arkitektë, dokumentacionin e projektit, etj).

Pas përfundimit të investimit, Aplikanti është i detyruar të paraqesë në Agjenci një aplikacion për pagesë brenda afatit të caktuar në Kontatë për shfrytëzimin e mjeteve.

Aplikanti i cili do të nënshkruajë kontratë me Agjencinë është i obliguar, investimin që është subjekt i marrëveshjes, mos ta tjetërsojë, ta jap me qira ose hua, mos ta ndryshojë qëllimin dhe vendndodhjen e e të njëjtit për tërë kohëzgjatjen e Marrëveshje, dmth 5 vjet nga pagesa e fundit e mjeteve financiare.

Kontrolli në vendngjarje dhe zbatimi i mbikëqyrjes së kontratës kryhet nga persona të autorizuar nga institucionet relevante nga Republika e Maqedonisë dhe Bashkimi Evropian.